



Ina grappa fans svizzers.



Da vesair a Salastrains a l'arrivada èn da tuttas chapitschas.

FOTOS G. N. STGIER

A mintgin sia chapitscha!

Campiadis mundials da skis

DA GION NUTEGN STGIER / ANR

■ Cun girar dad in chantun a l'auter a l'arrivada a Salastrains crodan adina puspè en egl las chapitschas singulas dals blers fans da skis. La fantasia è fitg gronda e grazia a quella attiran ils fans da skis l'attenziun da blers. Er sche la cursa rapida dals umens è sonda en vair senn crudada en la tschajera eran ils fans da skis tuttina da buna luna. Blers eran anc adina pulit en furma da la gronda festa da venderdi sin sonda nua che cunzunt ils fans svizzers han festivà la victoria dubla da Wendy Holdener e Michelle Gisin en la cumbinaziun. Sonda passada suenter la refusa da la cursa rapida dals umens ha lura cumenzà en las giassas da San Murezzan, en las bars e tar ils stands da bavrondas alcoholicas la gronda festa. Festa è lura er vegnì fatg en il territori da skis e cunzunt a l'arrivada a Salastrains.

Ramba zamba cun ubain senza chapitscha

En egl è er crudà sonda la damaun baud ch'ils fans baivan strusch aua da la funtauna minerala da San Murezzan. Na, già bainbaud vegn bavì vin alv, café Luz e vin chaud. Quellas bavrondas èn sa chape-scha er in bun med cunter las temperaturs da vers minus sis grads e la chaschun per sa scaldar. Per avair chaud èn lura er las chapitschas ch'ils fans portan e quai tar mintga cursa ed er en vischnanca a San Murezzan. La fantasia dals fans tar la



Quest fan è persuerter per l'Austria.


tscherna da las chapitschas savess strusch esser pli vasta. Segir portan vegl e giuven savens las chapitschas uffizialas dals Campiadis mundials da skis, dentant blers han lur atgnas chapitschas particularas. Cun quella attiran tuts l'attenziun dals auters fans. Ultra da quai èn lur chapitschas er motivs per fotografar e gist quai avain er nus fatg.



Er caps tradeschan la derivanza dals fans.



Schizunt eglers cun la vopna svizra.



Bain in ornament da chau original.



El ha ina capitscha sco ils sherpas.

■ FOTO DAL DI

Cun Gut en la clinica «Gut»

(anr/gns) La novitad da la blessura da Lara Gut ha fatg venderdi en curt temp la runda a l'arrivada a Salastrains. Per ils passa 10000 fans in vair culp, avess la skiunza tessinaisa gi schanzas da far ina medaglia en la cumbinaziun. Enstagl da cumbatter per aur, argent e bronz ha el-

la gi da perseguitar il slalom da la cumbinaziun avant la televisiu en sia suite da l'hotel Kempinski. Alamain ha Gut gi ina consolaziun cun procurar sias duas amias Wendy Holdener e Michelle Gisin per ina victoria dubla per la Svizra. Sin quella via bun meglierament a Lara Gut.



Da Salastrains han ins transportà Lara Gut cun l'helicopter en la clinica «Gut» suenter sia blessura.

FOTO G. N. STGIER

Bilantscha intermediara positiva

■ (anr/gns) Set dis dals 44avels Campiadis da skis a San Murezzan èn già istorgia. Ils organsiaturs cun Hugo Wetzel, il president dal comité d'organisaziun, fan ina bilantscha intermediara positiva. Fin ussa hajan vers 100000 persunas guardà las cursas al lieu. «Nossas aspectativas èn en tuts cas ademplidas sche betg surpassadas», punctuescha Wetzel. Donn saja bain stà che la cursa rapida dals umens haja betg gi lieu la sonda sco previs. La culissa magnifica cun radund 40000 fans saja stada in bellezza maletg, menziuna il president dal comité d'organisaziun. Cun far paucas optimaziuns e midadas haja funcziunà tut ils emprims set dis da l'occurrènz, accentuescha Wetzel. El lauda cunzunt er la lavur dals voluntaris, dals schuldads e dals umens da la protecciu civila. Insumma haja el be vesì gliud motivada ed engaschada durant lur lavur. Sin fundament da tuts aspects ins sappia discurre dad in success fin oz, raquinta Wetzel cun plaschair. In fatg plaschaivel saja bain er ch'ils proxims dis sa mussia son Peder da la vart positiva cun laschar splendurar il sulegl.



Hugo Wetzel, il president dal comité d'organisaziun dals Campiadis mundials da skis a San Murezzan, è cuntent suenter ils emprims set dis da l'occurrènz.

FOTO G. N. STGIER